

Aux Ministres de la

le Saint Esprit. Mais c'est vn passetemps, ou plustost vne grande pitié, de vous ouyr parler : La parolle expresse de IESVS CHRIST dict, et quand et quand le monstre : Prenez et mangez, cecy est mon corps : Et vous ne voulez pas qu' on le prenne icy, mais commandez qu' on le aille prendre au ciel à la dextre de DIEV son Pere. Estce pas dire tout le contraire de ce que IESVS CHRIST nous commande ? Et en ce temps pendant vous ne | voulez autre chose, que la parolle toute expresse, ce dictes vous, laquelle comme vous voyez, crye expressement contre vous. Je ne veux pas entrer icy à disputer contre voz raisons naturelles, et monstrier qu' à ce qui concerne la foy, et les sens, et la raison naturelle, se doibuent humilier, et rendre subiects à la simple parolle de Dieu, laquelle est toute puissante. Il me suffit de vous monstrier à loeil, que la parolle de DIEV expresse, de laquelle tant vous vantez, est expressement pour nous.

Or quant à ce que l' Eucharistie est le sacrifice qui s' offre à Dieu, auons nous pas la parole expresse, quand Iesus Christ est appellé de Dieu son pere le prestre à tousioursmais, selon l' ordre de Melchisedech ? Ce que ne se pourra verifiaer, si n' est qu' ainsi comme Melchisedech estant prestre, offroit à Dieu pain et vin : aussi le precieux corps et sang de Iesus Christ, de pain et vin transmué par sa toute puissante parole, soit offert à Dieu par l' Eglise, le prestre estant seulement ministre de Iesus Christ, qui est le Prestre à tousioursmais. La prophetie de Malachie est elle pas aussi toute euidente, en laquelle le Seigneur Dieu vient à dire : Depuis Orient iusques en Occident, mon nom sera grand entre les | Gentils, et vne oblation pure et nette est sacrifiée et offerte en mon nom ? Que peut estré ceste oblation, sinon l' eternel Sacrifice du corps et sang de Iesus Christ ? Saint Paul l' appelle il pas expressement Sacrifice, quand il dit : le dy que ce que les gentils sacrifient, ils le sacrifient au diable et non à Dieu : Je ne veulx pas que vous soyez participans des diables : Vous ne pouuez pas boire le calice du Seigneur, et le calice des diables : vous ne pouuez pas estre participans de la table du Seigneur, et de la table des diables. A quel propos feroit mention Saint Paul du Sacrifice

B ij v

Psal. 109.
Hebr. 7.
Gen. 14.

I 145—149
T. III 143.

Malac. 1.

I 146.

I 144.

B iij r

1 Cor. 10.